

**Pregled stavova sudske prakse sudova najviše instance u Bosni i Hercegovini¹
od aprila do juna 2026. godine**

➤ **Građansko materijalno pravo**

Oblast	Deskriptor(i)	Stav sudske prakse	Naziv suda i broj predmeta
Obligaciono pravo			
Ugovori	Ugovor o građenju	Svoje pravo na naknadu dodatno izvedenih građevinskih radova izvođač ne može osnovano zasnovati na pravilima o sticanju bez osnova i na taj način sanirati nedostatak pismene saglasnosti naručioca za izvođenje tih radova.	Vrhovni sud Federacije BiH 65 0 Ps 972720 26 Rev
Ugovori	Ugovor o građenju	Potpisivanje privremenih i okončane situacije od strane glavnog izvođača, Nadzornog organa i investitora, ne znači priznanje duga podizvođača prema saradniku- dobavljaču.	Vrhovni sud Federacije BiH 65 0 Ps 754264 25 Rev
Raskid ugovora	Raskidanje ugovora zbog neispunjenja	U slučaju kada kupac ne može izvršiti uknjižbu prava vlasništva na osnovu pravno valjanog ugovora o prodaji poslovnog prostora, iz razloga što se drugo lice nakon zaključenja tog ugovora uz saglasnost prodavca upisalo kao vlasnik u zemljišnoj knjizi, ne radi se o pravnom nedostatku kupljene stvari, nego o neispunjenju obaveze prodavca iz ugovora o kupoprodaji.	Vrhovni sud Federacije BiH 17 0 Ps 119268 26 Rev

¹ Presude i rješenja navedene u dokumentu možete naći na Portalu sudske prakse koji je dostupan na linku <https://sudskapraksa.pravosudje.ba/>. Portalu takođe možete pristupiti i preko internet stranica sudova najviše instance u Bosni i Hercegovini, odnosno internet stranice Visokog sudskog i tužilačkog vijeća Bosne i Hercegovine.

Odgovornost za štetu	Odgovornost za štetu naručioca i izvođača radova	Izvođač radova solidarno sa naručiocem odgovara za štetu pričinjenu trećim licima plavljenjem njihovih parcela, bez obzira što je prethodno dobio odobrenje glavnog projektanta da se prihvata rješenje koje je predložio za otklanjanje oborinskih voda. Odgovornost izvođača nalazi u činjenici da je specijalizovano preduzeće za izgradnju auto puteva i da raspolaže ljudskim i tehničkim resursima, pa je je morao biti siguran da će predloženim rješenjem spriječiti plavljenje parcela duž autoputa, posebno jer je njegov prijedlog suprotan glavnom projektu.	Vrhovni sud Republike Srpske 57 0 Ps 143204 25 Rev
Odgovornost za štetu	Odgovornost za štetu pravnih lica	Država Bosna i Hercegovina nije odgovorna za štetu u smislu člana 172 ZOO jer nema propusta u radu njenih organa budući da prema podnosiocu azila koji je počinio krivično djelo u vrijeme počinjenja nije bila određena mjera nadzora od strane Službe za poslove sa strancima, niti ima odgovornosti po osnovu člana 180 stav 1 ZOO jer se nije radilo o aktu terorizma ili nasilja usmjerenog na državno uređenje, već o aktu opšteg kriminaliteta čije spriječavanje je u nadležnosti policijskog organa na čijoj teritoriji je krivično djelo počinjeno.	Sud Bosne i Hercegovine S1 3 P 044118 25 Gž
Odgovornost za štetu	Odgovornost za štetu pravnih lica	Prihvatanje ponude grupe ponuđača koja ne sadrži jasno određenje člana grupe koji je ovlašćeni predstavnik grupe ponuđača za učešće u postupku javne nabavke, niti punomoć za podnosioca ponude izdatu od strane drugog člana grupe ponuđača, predstavlja „dovoljno ozbiljnu povredu“ koja, uz ispunjenje ostalih pretpostavki odgovornosti za štetu, dovodi do odštetne odgovornosti pravnog lica za štetu s naslova izgubljene koristi prema ponuđaču čija je ponuda po redovnom toku stvari trebala biti prihvaćena kao najpovoljnija.	Vrhovni sud Federacije BiH 58 0 Ps 231670 25 Rev
Odgovornost za štetu	Podijeljena odgovornost za štetu	Da bi putnici u automobilu na sebe preuzeli dio odgovornosti zbog toga što se voze sa vozačem pod utjecajem alkohola, potrebno je utvrditi da su oni znali da je vozač alkoholiziran ili da su prema njegovom ponašanju i redovitom tijeku događaja morali zaključiti da je vozač u alkoholiziranom stanju.	Apelacioni sud Brčko distrikta BiH 96 0 P 144465 24 Gž 2
Nasljedno pravo			
Nasljeđivanje na osnovu zakona	Zakonski nasljednici	Razlozi za isključenje nasljednika od nasljedstva taksativno su navedeni u zakonu, pa samo iz tih razloga nasljednik može biti isključen iz nasljedstva.	Vrhovni sud Federacije BiH 58 0 P 274353 26 Rev

Ostavinski postupak	Postupak sa testamentom	Okolnost da je testator u testamentu isključio zakonskog nasljednika iz nasljedstva, ne dovodi sama po sebi do ništavosti testamenta.	Vrhovni sud Federacije BiH 58 O P 274353 26 Rev
Stvarno pravo			
Sticanje prava svojine	Na temelju pravnog posla	Načelo povjerenja u zemljišne knjige i načelo da niko ne može na drugoga prenijeti više prava nego što ga ima međusobno se isključuju, pa treće lice koje postupa sa povjerenjem u zemljišne knjige i čija savjesnost nije dovedena u sumnju, ne može trpjeti štetne posljedice bez obzira na ništavost osnova jednog upisa.	Vrhovni sud Republike Srpske 57 O Ps 142907 25 Rev 2
Radno pravo			
Otkaz ugovora o radu	Neopravdani razlozi za otkaz	Subjektivni rok od 60 dana za donošenje odluke o otkazu, računa se od saznanja za činjenicu zbog koje se daje otkaz do dana donošenja odluke o otkazu ugovora o radu, a ne do dana donošenja odluke o odbijanju zahtjeva za zaštitu prava radnika.	Vrhovni sud Federacije BiH 65 O Rs 1023392 25 Rev
Otkaz ugovora o radu	Otkaz ugovora o radu zbog odgovornosti za težu povredu radnih obaveza	Ne može se protiv radnika voditi disciplinski postupak i izreći mu se disciplinska mjera za povredu radne obaveze za koju je već disciplinski kažnjen u prethodno vođenom disciplinskom postupku, jer se time vrijeđa načelo „ne dvaput o istom“ (ne bis in idem). Okolnost da počinjena teža povreda radne obaveze iz ugovora o radu ima obilježje trajne, kontinuirane povrede jeste od značaja za pitanje njene zastarjelosti, ali ta okolnost ne otklanja primjenu pravila „ne dvaput o istom“ i ne omogućava da se povodom nje zakonito dupliciraju disciplinski postupci.	Vrhovni sud Federacije BiH 17 O Rs 123928 25 Rev
Zaštita radnika	Za isplatu otpremnine	Zabranjeno je određivanje, odnosno ugovaranje otpremnine u iznosu manjem od zakonom propisanog, pa odredbe ugovora zaključenog između radnika i poslodavca suprotne ovoj zabrani ne proizvode pravno dejstvo.	Vrhovni sud Federacije BiH 65 O Rs 955344 26 Rev

Zaštita radnika	Pobijanje ugovora o radu sa ponudom izmijenjenih uslova	Kada su reviziju podnijeli i potpisali direktor tužene bez položenog pravosudnog ispita i zaposlenik tužene koji ima položen pravosudni ispit, smatra se da je direktor svojim potpisom odobrio zaposleniku radnju podnošenja revizije, pa je stoga revizija izjavljena od strane ovlaštenog lica bez obzira što uz nju nije dostavljena punomoć zaposleniku za podnošenje revizije.	Vrhovni sud Federacije BiH 127 0 Rs 080877 26 Rev
Zaštita radnika	U raspoređivanju i premještanju na drugo radno mjesto	Otkaz s ponudom izmijenjenog ugovora o radu, donesen u izvršenju pravomoćne odluke o vraćanju radnika na rad, zakonit je samo u situaciji objektivne nemogućnosti da poslodavac vrati radnika na rad na poslove koje je obavljao prije donošenja poništene odluke o otkazu ugovora o radu (npr. u situaciji ukidanja radnog mjesta, smanjenja broja izvršitelja i dr.).	Vrhovni sud Federacije BiH 127 0 Rs 080877 26 Rev
Zaštita radnika	U raspoređivanju i premještanju na drugo radno mjesto	Okolnost da je poslodavac za vrijeme trajanja sudskog spora povodom odluke o otkazu ugovora o radu, na radno mjesto tužitelja zaposlio drugog radnika ne može biti od uticaja na položaj i radnopravnu zaštitu radnika koji je u sudskom postupku uspio sa tužbenim zahtjevom.	Vrhovni sud Federacije BiH 127 0 Rs 080877 26 Rev
Privredno pravo			
Mjenica	Mjenica	Ako trasant nije istovremeno i akceptant trasirane mjenice, nego je to treće lice koje je na mjenici prihvatilo obavezu isplate mjenične obaveze, tada akceptant postaje glavni mjenični dužnik, dok su ostali potpisnici na mjenici regresni dužnici. U tom slučaju, mjeničnopravni zahtjev protiv akceptanta zastarijeva za tri godine od dospelosti, a protiv trasanta za godinu dana.	Vrhovni sud Federacije BiH 65 0 P 464927 26 Rev
Privredno pravo	Arbitraža, arbitražni sporazum i arbitražna klauzula	Zahtjev za proglašenje prestanka važenja ugovora o arbitraži, ne može osnovano tražiti ugovorna strana koja je izabrala arbitra i koja je do okončanja arbitražnog postupka učestvovala pred Arbitražnim sudom.	Vrhovni sud Federacije BiH 65 0 Ps 871205 26 Rev
Privredno pravo	Arbitraža, arbitražni sporazum i arbitražna klauzula	Zahtjev za proglašenje prestanka važenja ugovora o arbitraži, ne može osnovano tražiti ugovorna strana koja je izabrala arbitra i koja je do okončanja arbitražnog postupka učestvovala pred Arbitražnim sudom.	Vrhovni sud Federacije BiH 65 0 Ps 871205 26 Rev

Zaštita od diskriminacije			
Zaštita od diskriminacije	Teret dokazivanja	Tuženi poslodavac dužan je tokom postupka pružiti razumno i uvjerljivo obrazloženje zbog čega neko pravilo ili praksa važi za sve njegove druge radnike izuzev za tužioca, pa ukoliko to ne učini osnovano je izvesti zaključak o postojanju različitog postupanja na zabranjenoj osnovi koju je tužitelj tokom postupka dokazao sa stepenom pretežne vjerovatnoće.	Vrhovni sud Federacije BiH 63 0 Rs 045190 26 Rev

➤ Građansko procesno pravo

Oblast	Deskriptor(i)	Stav sudske prakse	Naziv suda i broj predmeta
Parnični postupak			
Osnovna načela Dokazi	Odlučivanje u granicama tužbenog zahtjeva Opće odredbe o dokazima	Sudska dužnost pitanja podrazumijeva, između ostalog, i dužnost suda da na pripremnom ročištu postavljanjem pitanja razjasni dokazne prijedloge stranaka i otkloni eventualne nejasnoće i protivrječnosti u vezi sa tim prijedlozima. Kada tužitelj na pripremnom ročištu, izlažući tužbu, navede da ostaje kod svih dokaza priloženih uz tužbu, a prilikom predlaganja dokaza navede samo nove dodatne dokaze, prvostepeni sud, prihvatajući na glavnoj raspravi prijedlog tužitelja da se u dokazni materijal uvrste i dokazi priloženi uz tužbu, ne čini povredu odredaba parničnog postupka već otklanja svoju odgovornost za nastali deficit dokaza.	Vrhovni sud Federacije BiH 58 0 Rs 275054 26 Rev
Opšte odredbe	Punomoćnici	Za djelovanje opoziva i otkaza punomoći između stranke i opunomoćenika, zakon ne propisuje pismenu formu, što implicira da je dovoljna i usmena forma priopćenja opoziva ili otkaza, međutim kada je u pitanju djelovanje opoziva odnosno otkaza prema sudu ili protivnoj stranci zakon propisuje obvezu da opoziv, odnosno otkaz moraju biti priopćeni sudu pred kojim se vodi postupak, i to pismeno ili pak usmeno na zapisnik.	Apelacioni sud Brčko distrikta BiH 96 0 Mal 162874 24 Gž
Opće odredbe	Punomoćnici	Koeficijent i visina plaće radnog mjesta na koje je radnik bio raspoređen prije izmjene ugovora o radu. nije stečeno pravo radnika koje vezuje poslodavca kod raspoređivanja tog radnika na drugo radno mjesto usljed organizacijskih promjena i izmjene ugovora o radu.	Vrhovni sud Federacije BiH 127 0 Rs 080877 26 Rev

Vrijednost spora	Utvrđivanje vrijednosti spora	Kada se zahtjevi više tužitelja temelje na istorodnom činjeničnom i pravnom osnovu, što iste kvalificira kao formalne – obične (aktivne) suparničare, onda se vrijednost spora cijeni prema vrijednosti tužbenog zahtjeva za svakog tužitelja posebno, a ne prema zbiru njihovih potraživanja.	Apelacioni sud Brčko distrikta BiH 96 0 P 147206 24 Gž
Prvostepeni postupak	Teret dokazivanja	Na tužitelju, koji zahtijeva utvrđenje ništavosti ugovora i na taj način traži promjenu postojećeg pravnog stanja, je teret dokazivanja da je tuženi kupac, kao treća osoba, bio nesavjestan sticalac.	Vrhovni sud Federacije BiH 65 0 P 487805 25 Rev
Sticanje vlasništva	Zaštita povjerenja u zemljišne knjige		
Revizija	Revizija protiv rješenja	Rješenje drugostepenog suda kojim je potvrđeno prvostepeno rješenje kojim je odbijen prijedlog za povrat u prijašnje stanje ne predstavlja rješenje kojim se postupak pravomoćno završava, pa protiv tog rješenja drugostepenog suda revizija nije dozvoljena.	Vrhovni sud Federacije BiH 65 0 P 987959 26 Rev

➤ **Krivično procesno pravo**

Oblast	Deskriptor(i)	Stav sudske prakse	Naziv suda i broj predmeta
Opće odredbe			
Osnovna načela	Prava osobe lišene slobode	Osumnjičenog, kome je rješenjem nadležnog suda u smislu člana 145. stav 2. ZKP FBiH određen pritvor iz razloga propisanog u članu 146. stav 1. tačka a) istog Zakona, bez da je prethodno saslušan jer je bio nedostupan organima gonjenja, nakon što su mu po raspisanoj operativnoj potrazi pripadnici nadležnog policijskog tijela oduzeli slobodu, tužilac je dužan ispitati bez odlaganja, a u svakom slučaju prije nego što (u smislu člana 145. stav 3. ZKP FBiH) sudu podnese prijedlog za produženje pritvora osumnjičenom.	Vrhovni sud Federacije BiH 09 0 K 050525 26 Kž

➤ **Upravno pravo**

Oblast	Deskriptor(i)	Stav sudske prakse	Naziv suda i broj predmeta
Upravno materijalno pravo			
Hartije od vrijednosti	Preuzimanje akcionarskih društava	Pravilno je utvrđena obaveza tužioca, kao sticaoca, za objavljivanja ponude za preuzimanje emitenta u skladu sa članom 4. stav 1. Zakona o preuzimanju akcionarskih društava, jer na strani tužioca ne postoje okolnosti koje bi ga oslobodile obaveze objavljivanja ponude u smislu odredbe član 8. stav 1. tačka j1) ovog zakona, jer prava drugih akcionara, koji zajednički djeluju prema emitentu, nisu veća u odnosu na sticaoca, a stečena su na osnovu sprovedenog postupka preuzimanja.	Vrhovni sud Republike Srpske 11 0 U 035271 24 Uvp
Imovinsko-pravni odnosi	Koncesije	Odluka Vlade Republike Srpske kojom je odlučeno o pokretanju postupka dodjele koncesije, nije upravni akt, jer se istom nije odlučivalo o pravu ili obavezi, odnosno neposrednom ličnom interesu fizičkih i pravnih lica ili drugih stranaka u pojedinačnim upravnim stvarima, već je to procesna odluka kojom je odlučeno da će se pokrenuti postupak dodjele koncesije.	Vrhovni sud Republike Srpske 11 0 U 034641 24 Uvp
Imovinsko-pravni odnosi	Uzurpacije	Tužilac nema prijavljeno prebivalište i boravište u Republici Srpskoj, zbog čega mu je i postavljen privremeni zastupnik u postupku raspravljanja uzurpacije, pa je pravilan zaključak prvostepenog organa i tužene da je tužilac zemljište napustio, iz kojih razloga nisu ispunjeni zakonski uslovi da mu se prizna pravo svojine na uzurpiranom zemljištu.	Vrhovni sud Republike Srpske 11 0 U 036049 24 Uvp
Imovinsko-pravni odnosi	Zabilježba izvršenja	Pravilno je nižestepeni sud postupio kad je odbio tužbu i ostavio na snazi osporeni akt, ali ne iz razloga koje je dao u obrazloženju pobijane presude, već iz razloga što je rješenjem Osnovnog suda u Banjaluci broj 71 0 I 316414 19 I od 16.08.2023. godine, obustavljen izvršni postupak u predmetu broj 71 0 I 316414 19 I, koje je u žalbenom postupku potvrđeno rješenjem Okružnog suda u Banjaluci broj 71 0 I 316414 23 Gž od 23.11.2023. godine, čime je otpao pravni osnov za preduzimanje bilo kojih izvršnih radnji.	Vrhovni sud Republike Srpske 11 0 U 034971 24 Uvp

JAVNO

<p>Građevinska odobrenja/ Prostorno planiranje/ uređenje i građenje</p>	<p>Komunalna naknada</p>	<p>Tužilac je dužan da plati komunalnu naknadu kao korisnik objekta i uređaja zajedničke komunalne potrošnje saglasno odredbi člana 24 Zakona o komunalnoj djelatnosti. Navedenim zakonom nije predviđena mogućnost oslobađanja od obaveze plaćanja komunalne naknade za objekte koje koriste organi uprave, niti je propisano da korisnici predmetnih objekata mogu biti oslobođeni takve obaveze ukoliko iste čine objekti posebne namjene-vojni objekti, kao što su u konkretnom slučaju predmetni objekti za koje je tužilac obavezan na plaćanje naknade kao korisnik objekta i uređaja zajedničke komunalne potrošnje.</p>	<p>Vrhovni sud Republike Srpske 13 0 U 007886 24 Uvp</p>
<p>Notarijat</p>	<p>Izbor i razrješenje notara</p>	<p>Prestanak službe notara nastupa po sili zakona danom pravosnažnosti krivične presude kojom je osuđen za krivično djelo nesavjestan rad u službi počinjeno s umišljajem bez obzira na vrstu izrečene krivične sankcije.</p>	<p>Vrhovni sud Federacije BiH 09 0 U 046770 25 Uvp</p>
<p>Obrazovanje i vaspitanje</p>	<p>Sticanje stručnih i naučnih zvanja</p>	<p>Tužiteljica Visoka škola za primijenjene i pravne nauke je prilikom objave konkursa za upis studenata u akademsku 2014/15. godinu, koji je vršen u septembru mjesecu 2014. godine, mogla da navede zvanje koje se stiče završetkom određenog studijskog programa samo na osnovu važeće Liste stručnih, akademskih i naučnih zvanja koja je sastavni dio Uredbe o korišćenju akademskih titula, sticanju stručnih i naučnih zvanja („Službeni glasnik Republike Srpske“ broj 111/09 i 102/10), što je i učinila, a ne na osnovu Zakona o zvanjima koja se stiču završetkom visokog obrazovanja u Republici Srpskoj („Službeni glasnik Republike Srpske“, broj 33/14 i 63/14) i Pravilnika o listi strukovnih, akademskih i naučnih zvanja („Službeni glasnik Republike Srpske“ broj 117/14), jer navedenim zakonom nisu precizno određena zvanja, već je ista bilo potrebno odrediti pravilnikom, a nakon prethodno utvrđene Liste zvanja u skladu sa izdatim dozvolama za izvođenje studijskih programa, što nije učinjeno u zakonom propisanom roku, a niti do raspisivanja i objave konkursa, pa kako je pomenuti Pravilnik o listi strukovnih, akademskih i naučnih zvanja donesen 12.12.2014. godine i isti stupio na snagu 06.01.2015. godine, to su se novi nazivi zvanja mogli koristiti nakon stupanja na snagu istog.</p>	<p>Vrhovni sud Republike Srpske 11 0 U 034566 24 Uvp</p>

JAVNO

Penzijsko invalidsko osiguranje	i	Vanredna kontrola nalaza, ocjene i mišljenja organa vještačenja	Provođenje vanredne kontrole nalaza, ocjene i mišljenja organa vještačenja u prvom ili drugom stepenu na osnovu kojeg je ostvareno pravo na invalidsku penziju, ne može zahtijevati treće lice odnosno poslodavac, već ovlašćenje za podnošenje takvog zahtjeva ima samo nadležno ministarstvo i upravna inspekcija, kao organi koji vrše unutrašnji nadzor nad radom Fonda.	Vrhovni sud Republike Srpske 13 0 U 008134 24 Uvp
Penzijsko invalidsko osiguranje	i	Invalidska penzija	Poslodavac nije aktivno legitimisan da izjavi žalbu protiv rješenja prvostepenog organa Fonda za penzijsko i invalidsko osiguranje, kojim je njegovom radniku priznato pravo na invalidsku penziju, zbog gubitka radne sposobnosti, kao posljedica povrede na radu.	Vrhovni sud Republike Srpske 13 0 U 008135 24 Uvp
Penzijsko invalidsko osiguranje - Ponovni obračun penzije	i	Ponovni obračun penzije	Licu koje je ostvarilo pravo na starosnu penziju po ranije važećim odredbama zakona, ne može se vršiti ponovni obračun ličnih bodova za ostvareni poseban staž po kasnije donesenim izmjenama tog zakona.	Vrhovni sud Federacije BiH 07 0 U 022132 25 Uvp
Porezi, doprinosi i takse		Sudska taksa	Plaćanje sudske takse je zakonska obaveza koju utvrđuje nadležni sud, a Poreska uprava, po službenoj dužnosti samo pokreće i sprovodi postupak prinudne naplate, zbog čega se žalbom izjavljenom na rješenje o prinudnoj naplati ne može osporavati zakonitost rješenja suda kojim je utvrđena obaveza stranke da plati sudsku taksu.	Vrhovni sud Republike Srpske 11 0 U 035261 24 Uvp
Porezi, doprinosi i takse		Porez na dobit	Porezom na dobit fizičko lice će se zadužiti ako bez odobrenja nadležnog organa vrši djelatnost za koju je propisano prethodno pribavljanje odobrenja za rad i ako je po tom osnovu naplatilo prihod, a osnovica poreza je ukupno naplaćeni prihod na koju se primjenjuje stopa poreza na dobit od 50%.	Vrhovni sud Federacije BiH 09 0 U 040253 25 Uvp
Porezi, doprinosi i takse		Zastara poreskih obaveza - Zastara naplate poreza	Zastarjelost naplate poreza ne može se cijeniti prema odredbama kantonalnog zakona ukoliko su rokovi zastare na drugačiji način propisani Zakonom o poreznoj upravi Federacije BiH.	Vrhovni sud Federacije BiH 09 0 U 040253 25 Uvp

Porodično pravo	Staralac za poseban slučaj	Staralac za poseban slučaj se postavlja ne zato što majka ne brine i ne štiti interese svog djeteta, već iz razloga što je u postupku oduzimanja roditeljskog prava ocu djeteta, a na prijedlog majke, dijete učesnik sa posebnim pravima koje mu garantuje Porodični zakon i Konvencija o pravima djeteta, jer se postupak vodi zbog njega i u njegovom interesu, pa ima pravo da bude zaštićeno angažovanjem „neutralne“ osobe i da se čuje njegovo mišljenje, iz kojeg razloga je pravilno, na osnovu odredbe člana 215 stav 1 Porodičnog zakona, djetetu u tom postupku, postavljen staralac za poseban slučaj.	Vrhovni sud Republike Srpske 11 0 U 035432 24 Uvp
Prava iz zdravstvenog osiguranja	Pravo na refundaciju i naknadu plate/plaće	Za zakonito odlučivanje o zahtjevu poslodavca za refundaciju naknade isplaćene neto plate za vrijeme privremene spriječenosti za rad radnika, od odlučujućeg značaja je okolnost da je poslodavac u vrijeme rješavanja o zahtjevu, imao izmirene sve dospjele obaveze po osnovu doprinosa za obavezno zdravstveno osiguranje za period za koji traži refundaciju, što znači da neredovno izmirenje obaveze kod činjenice da je ista ispunjena prije odlučivanja organa, ne može da utiče na ostvarenje prava na traženu refundaciju isplaćene naknade neto plate.	Vrhovni sud Republike Srpske 11 0 U 035651 24 Uvp
Prava nezaposlenih lica	Povrat isplaćene novčane naknade	Rok zastare potraživanja povrata isplaćene novčane naknade nezaposlenoj osobi ne računa se od dana kada je doneseno rješenje o priznavanju prava na novčanu naknadu, niti od dana prestanka radnog odnosa, već od dana nastanka promijenjenih okolnosti, što je datum pravosnažnosti i izvršnosti presude kojom je poništena odluka o otkazu ugovora o radu i tužiteljici uspostavljen radno- pravni odnos.	Vrhovni sud Federacije BiH 04 0 U 013444 25 Uvp
Pristup informacijama	Sloboda pristupa informacijama	Da bi se utvrdio izuzetak i ograničio pristup informacijama nije dovoljno samo navesti da je u traženoj dokumentaciji sadržana poslovna tajna, niti je dovoljno pozvati se na odgovarajuću odredbu zakona kojom je propisano šta se smatra poslovnom tajnom, već je potrebno provesti test javnog interesa, odnosno prije donošenja odluke cijeniti svaku korist i svaku štetu koje mogu proisteći objavljivanjem tražene informacije.	Vrhovni sud Republike Srpske 11 0 U 034079 24 Uvp
Socijalna zaštita	Lična invalidnina	Lice koje se odreklo priznatog prava na ličnu invalidninu, ne može biti odbijeno sa zahtjevom za ostvarivanje prava na novčanu naknadu po drugom propisu (za isto oštećenje organizma), ako zbog protoka zakonskog roka za podnošenje zahtjeva ne može ponovo ostvariti pravo kojeg se odrekao.	Vrhovni sud Federacije BiH 04 0 U 016572 25 Uvp

Upravni postupak			
Opća načela	Prethodno pitanje	Stvarna nadležnost organa se ne može rješavati kao prethodno pitanje u upravnom postupku, jer se radi o procesnom pitanju, pa ukoliko organ smatra da nije nadležan za rješavanje podneska donijet će zaključak o odbacivanju podneska zbog nenadležnosti i zaključak odmah dostaviti stranci.	Vrhovni sud Federacije BiH 09 0 U 041941 25 Uvp
Posebni slučajevi poništavanja, ukidanja i mijenjanja rješenja	Oglašavanje rješenja ništavim	Rješenje se može oglasiti ništavim samo ako se radi o naročito teškim povredama u ograničenom broju izričito propisanih slučajeva, a ne zbog nezakonitosti i pravne greške u običnom smislu, kao što su greške učinjene u postupku utvrđenja ispunjenja uslova za ostvarenje određenog prava.	Vrhovni sud Federacije BiH 09 0 U 041362 25 Uvp
Posebni slučajevi poništavanja, ukidanja i mijenjanja rješenja	Oglašavanje rješenja ništavim	Ispravno sud zaključuje da su ispunjeni uslovi za oglašavanje ništavim pravnosnažnog rješenja o dodjeli stana tužiteljici kao porodici poginulog borca, jer izvršenje istog nije moguće, s obzirom da iz podataka upravnog spisa proizilazi da je tuženi preduzeo sve radnje kojim je pokušao izvršiti to rješenje, odnosno tužiteljici predati u posjed dodijeljenu stambenu jedinicu na ime trajnog rješavanja stambenog pitanja, što je ona nesporno odbila.	Vrhovni sud Republike Srpske 12 0 U 010002 24 Uvp
Postupak	Izvršenje	Bez obzira na protek vremena u kojem tužilac nije tražio izvršenje presude Okružnog suda u Banjaluci od 8.6.2011. godine, odnosno donošenje novog upravnog akta, nisu postojali uslovi iz Zakona o opštem upravnom postupku za obustavu postupka, jer stranka nije ograničena protekom vremena za podnošenje zahtjeva za izvršenje presude i donošenje novog upravnog akta, pri čemu izjava o odustanku od daljeg vođenja postupka mora biti data jasno i bezuslovno.	Vrhovni sud Republike Srpske 11 0 U 035688 24 Uvp

Stranka i njeno zastupanje	Stranka	Zajednica etažnih vlasnika nije nosilac nikakvog svojinskog ili drugog stvarnog prava na zgradi, jer su vlasnici stanova i poslovnih objekata ili garažnih mjesta i ostava nosioci svojinskih prava i drugih stvarnih prava na nepokretnostima (stanovima), zgradi i zemljištu ispod zgrade i za redovnu upotrebu zgrade pa kako je u konkretnom slučaju predmet upravnog postupka prvenstveno pravo nadziđivanja zgrade i to jedne stambene jedinice, strukture trosobnog stana, površine 81,96 m ² , radi rješavanja stambenog pitanja V.G., koje nadziđivanje se odnosi na tavansku prostoriju, koja je etažna svojina, to tužiteljica (ZEV) nesporno u ovom postupku nema položaj ni stranke, ni zainteresovanog lica.	Vrhovni sud Republike Srpske 11 0 U 034057 24 Uvp
Povraćaj u pređašnje stanje	Povraćaj u pređašnje stanje	Prijedlog za povraćaj u pređašnje stanje je dozvoljen samo ako je stranka iz opravdanih razloga propustila da u roku izvrši neku radnju postupka, pa je usljed tog propuštanja isključena od vršenja te radnje, ali ne i u slučaju propuštanja zakonom propisanog roka za podnošenje zahtjeva radi ostvarivanja prava o kojem se odlučuje u upravnom postupku.	Vrhovni sud Republike Srpske 11 0 U 035450 24 Uvp
Upravni spor			
Odluke u upravnom sporu	Izmjena rješenja nakon donošenja odluke Ustavnog suda F BiH	Stranka ima pravni osnov tražiti izmjenu pravosnažnog rješenja (i povrat naplaćene komunalne takse) donesenog na temelju odredbi koje su prestale da važe na osnovu presude Ustavnog suda Federacije BiH, neovisno od toga što je to rješenje postalo pravosnažno prije utvrđene neustavnosti tih odredbi.	Vrhovni sud Federacije BiH 01 0 U 020788 25 Uvp
Rješavanje spora	Spor pune jurisdikcije	Nisu ispunjeni uslovi za donošenja rješenja od strane suda u izvršenju presude u situaciji kada je tuženi donio novi upravni akt kojim je uvažio žalbu podnosioca zahtjeva, poništio prvostepeno rješenje i naložio prvostepenom organu donošenje novog rješenja, bez obzira što prvostepeni organ nije u zakonskom roku donio novo rješenje jer podnosiocu ostaje mogućnost postupanja po članu 231 i 232 ZOUP u cilju zaštite svojih prava.	Vrhovni sud Republike Srpske 11 0 U 035092 24 Uvp

JAVNO

Stranke u upravnom sporu	Zainteresovano lice	Zainteresovano lice (uzgredna stranka) zakonitost rješenja može da dovodi u pitanje samo u dijelu u kome je udovoljeno podnosiocu zahtjeva za upis traženih promjena, a ne i da traži da se u upravnom postupku odluči o zahtjevu koji nije ni postavljen.	Vrhovni sud Federacije BiH 03 0 U 023947 25 Uvp 2
Tužba	Šutnja/ćutanje uprave	Ćinjenica da u vrijeme podnošenja žalbe zbog „ćutanja uprave“ (nedonošenja rješenja), stranka nije bila primila rješenje prvostepenog organa kojim je odlučeno o njenom zahtjevu, sama po sebi nije osnov za sudsku zaštitu, s obzirom da je u vrijeme podnošenja urgencije tuženom, donošenjem rješenja prvostepenog organa i dostavljanjem istog tužiteljici „ćutanje uprave“ bilo prekinuto.	Vrhovni sud Republike Srpske 11 0 U 036869 24 Uvp
Vanredna pravna sredstva / lijevovi	Zahtjev za zaštitu zakonitosti	Ne postoji nesaglasnost između odredbi člana 49. stav 5. tačka b) i c) Poslovnika Viskog sudskog i tužilačkog vijeća Bosne i Hercegovine i odredbi od člana 21. do 32 Zakona o VSTV-u, kojim su propisani uslovi i mandat za vršenje dužnosti nosioca prvostudnih funkcija. VSTV u skladu sa zakonom datim ovlaštenjima uređuje postupak imenovanja, koji postupak je dat u njegovu nadležnost i nije ni u kakvoj suprotnosti sa zakonom propisanim uslovima i mandatom za vršenje dužnosti, iz razloga što je članom 16. istog Zakona data obaveza vijeću da donese Poslovnik koji će razraditi postupak imenovanja. Poslovnikom su propisani isti uslovi za sve kandidate za vršenje dužnosti nosioca pravosudne funkcije, što dalje znači, da su neprihvatljive tvrdnje o favoriziranju određenog broja kandidata kao i da se nosioci pravosudnih funkcija stavljaju u neravnopravan položaj u smislu karijernog napredovanja.	Sud Bosne i Hercegovine S1 3 U 049842 25 Uzz
Vanredna pravna sredstva / lijevovi	Ponavljanje postupka	Protiv odluke Okružnog suda o prijedlogu stranke za ponavljanje postupka (upravnog spora) koju je donio sudija pojedinac, ne može se podnijeti zahtjev za vanredno preispitivanje, već samo žalba koja se podnosi istom sudu koji o žalbi odlučuje u vijeću od troje sudija, koji nisu učestvovali u donošenju odluke u ranijem postupku.	Vrhovni sud Republike Srpske 11 0 U 037547 25 Uvp